

Zeitschrift: Annalas da la Societad Retorumantscha
Herausgeber: Societad Retorumantscha
Band: 43 (1929)

Artikel: Davart Segl e sias alps
Autor: Gianzun, R. A.
DOI: <https://doi.org/10.5169/seals-199806>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 25.07.2025

ETH-Bibliothek Zürich, E-Periodica, <https://www.e-periodica.ch>

Davart Segl e sias alps

Da Dr. R. A. Gianzun.

Que eira da pü botum, intuorn l'ann 900. Allura nel Grischun regnaiva il raig dals Frants. Ed il raig dals Frants eira ün grand signurun. Scu grand signurun vaiva'l bgers e grands dretts; el vaiva dretts immens e sterminabels. El vaiva grands dretts politics. El vaiva la curuna, e sa curuna glüschiva dalöntschi, sur terras e mers. El vaiva il pom: la superbgia porta il pom. El vaiva la bachetta e vaiva la spada. Curuna e pom, bachetta e spada significhavan, cha il raig dals Frants vaiva grands dretts politics: Imperi, reginam, giurisdicziun, fiscaliteds da tuotta sort, regalias da tuottas culurs. El eira signur da vasts territoris. Ad el appartgnavan as-ch e pas-ch e bos-cha e fruos-cha e ovas e citeds e vschinaunchas. Ad el appartgnavan vias e punts e postas e tavernas. Ad el appartgnavan taunta glieud, sclevs e servs e colons. Ad el appartgnavan il chamuotsch sülla pizza, l'utschè in ajer, il pesch nellas uondas. E spera ils dretts politics vaiva'l dretts privats. El vaiva la signuria e vaiva las ricchezzas dal muond.

Il raig dals Frants vaiva grands dretts eir nel Grischun. Tuotts quists dretts dal raig per tuott il muond intuorn stuvaivan gnir administrats. Il raig svesch nun pudaiva als administrer persunelmaing. El stuvaiva surder l'administraziun ad oters, a principis e signurs.

Ils dretts nel Grischun il raig dals Frants als laschaiva administrer tres l'uvass-ch da Coira. Quel daiva administrer a nom dal raig.

Cull' ir dals anns paraiva que al raig, cha tschertüns da sieus dretts eiran passos nel possess dall' uvass-ch. Quists dretts il raig vulvaiva als recuperer. El tramattet nel Grischun ün da sieus düchas. Quel dücha vaiva da recuperer per il raig ils dretts chi cull' ir dals anns eiran passos in possess dall' uvass-ch. Per recuperer quists dretts dal raig chi eiran ius a's perder, il dücha invio dal raig compilett ün urbari dals dretts dal raig.

Dall' otra vart, l' uvas-ch da Coira eir el varò fat piglier nota da sieus dretts.

Uschea gnit compilo ün register chi contgnaiva saja que cha ils mess dal raig pretendaivan per il raig, saja que cha medems decla-raivan scu chosa dal raig.

Traunter quists bains cumperan eir las tavernas, las ustarias publicas da que temp.

Losupra il register contegna ün chapitel chi cumainza culs plets: Sunt tabernarii isti, usters u taverners sun ils seguaints.

Ed in quist chapitel chattains il passus:

De Stabulo Silles redditur ad censum in Dominico XXX vel XL solidi.

Que ais il fitt o tschaint cha peja il stabulum Silles.

Che ais quist Silles?

Silles ais Segl d'Engiadina. OTRAS voutas da vegl scrivaivane in latin Sillium, Silgium, Selium, Selgium, Selyum, e pü tard in rumantsch Seylg, Seilg e Segl.

Quist Silles d'Engiadina, che vulaiva que dir? Vulaiva que dir la comunitè da Segl cun tuott sas fracziuns? O vulaiva que dir be üna fracziun suletta? E scha que vulaiva dir be üna fracziun, allura che-nüna?

Da vegl, Silles d'Engiadina nun vulaiva dir tuotta la comunitè, o tuott la vschinauncha. Cur ch'ün vulaiva dir tuott la vschinauncha, allura as dschaiva que vschinaunchia intyra o generela, o Segl Maria Fex Grevasalvas.

Da vegl, Silles significhava be üna fracziun. E que nun significhava ne Segl Maria, ne Fex, ne Grevasalvas. Ma que significhava Segl Baselia.

Lossupra infuorman ils documaints vegls.

Uschea, nel 1405, *vschins da Segl e quels da Maria* stipuleschan üna cuvgnentscha cun ün Morellus da Segl in merit ad üna chesa. Ed uschea, ils 16 December 1423, ils cuvihs e prasürauns da Segl, da Maria, da Fex e da Grevasalvas conclüdan ün baratt cun Gian numno Mazuk da Grevasalvas. Il barat riguarda prasüras.

In quists ed in oters documaints Segl vegn numno scu ün lö different da Maria, Fex e Grevasalvas. E precisamaing nel senn da Baselia.

And resulta cha il stabulum Silles del 10^o secul as rechattaiva a Segl Baselgia. Segl Baselgia eira prubabel il vih pü vegl. Scu tel ho el do pü tard il nom alla «vschinaunchia intyra e generela». E lò, nel vih pü vegl, fütt edificada la prüma baselgia da Segl, la ecclesia da San Michel.

E che eira quist stabulum?

Stabulum vuol dir stalla o stevel.

Il stabulum Silles dal 10. secul, che gener da stalla o stevel eira que? Eira que üna stalla o stevel scu ün oter qualunque? In documents bregagliots, stabulum vegn tradott cul pled Herrengaden. Ma che ais ün Herrengaden? E che eira ün stabulum dal temp dais Francs?

Lossupra po der sclarimaint il medem register, nel medem chapitel. Lò, scu ditt, il stabulum Silles cumpera suott il titel dals taver-ners. E nel medem chapitel vegnan enumeradas tavernas a Schan nel Liechtenstein, a Cuir, a Launtsch, a Zuoz, ad Ardez ed a Marmorera. E sper il stabulum Silles vegn numno il stabulum Bivio. Bivio natürel- maing ais Baiva o Stalla, e prubabel precisamaing Stalvedro, il stabu- lum vetus, la stalla veglia.

Scu sü Segl d'Engiadina, daiva que allura ün stabulum eir a Baiva o Stalvedro. Ed il stabulum Silles eira la medema chosa scu il stabulum Bivio. E l'ün e l'oter correspondaivan poch sü poch giò allas diversas tavernas.

Ils Rumauns vaivan conquisto la Schvizzra e part dalla Germa- nia. Lur conquistas vulavane mantgnair. Per mantgnair lur conqui- stas, stuvaivane spedir als confins suseda, magistrats e colonists. Per spedir als confins suseda, magistrats e colonists, Rumauns stuvaivan fabricher vias ed organizer transports e communicaziuns. Stuvaivan organizer la posta rumauna. E lung lur vias stuvaivane organizer staziuns da posta.

In quistas staziuns da posta gniva concentro que chi eira neces- sari per asgürer ils transports e las communicaziuns.

Passaivan persunas, muaglia e marchanzia. Persunas, muaglia e marchanzia vaivan bsögn d'ün tett, chi guandagia da burrascas e strasoras. Uschea nella staziun as chattaiva la taverna per ils pas- sants, la stalla o herberga equorum per chavals e otra muaglia, la suosda o magazin per la marchanzia. Taverna, stalla e magazin stu- vaivan gnir administros. Per que pisseraiva il persunel dalla staziun.

Da quist persunel faivan part il taverner, chavalers e buolchs e famagls e ruotters, co e lò eir il farrèr.

Ils passants vaivan bsögn da mezz da transport. Nella staziun as chattaivan chavals e bouvs, muaglia da soma, charrs e schliesas e furnimainta.

Ils passants scu quels dalla staziun vaivan bsögn da nudrimaint. La muaglia vaiva bsögn da pevel. La staziun pisseraiva eir per nudrimaint e per pevel. Alla staziun appartgnaivan pros e pasculs; traunter ils pasculs vegn numno il pratum de equis, il plaun da chavals.

Üna tela staziun eira Baiva o Stalvedro.

Üna tela staziun eira eir Segl d'Engiadina.

A Segl gnivan insemmel diversas vias: La via d'Engiadina, üna via no dal Giülia, la via da Malöggia culla via dal Mürètt, culmen Malenchi. (Vair Champell, *Historia Raetica*, trad. Mohr, pag. 66.)

Per servir il trafic sün quistas vias, Segl vaiva sieu stabulum o sa staziun cun tuott que chi tuchaiva lotiers: Edifizis, fuonz, persunel, muaglia da soma, furnimainta, tuott que chi eira necessari per passants, marchadaunts, pellegrins.

Il trafic passaiva sülla via dalla Rivera. Da temp d'inviern passaiva'l eir sül glatsch dal lej.

Co e lò a Segl as constituiva' üna compagnia navale. Da medema faivan part ils nautyrs, navaters o barcharöls. Eir quels pisseraivan per ils transports.

E navaters saron stos ils piscatores, pas-chiaduors o pas-cheders, chi cun lur barchas o nevs giaivan our sül lej e traivan las raits e purtaivan a chesa chargias da bels peschs. Ils peschs sechantaivane al'ajer o als insalaivan. E poi als transportaivan a Cuira o in Italia. Our a Cuira l'uvas-ch ed ils canonics survgnivan ils fitts dal lej in fuorma da peschs. Ed ils peschs dal lej da Segl, truytallae, pisces salati, cumparivan sülla maisa dall' uvas-ch e dals canonics ils dis cha la baselgia scumandaiva la charn.

Spera il taverner cun sieus chavalers e sieus buolchs e sieus ruotters, e spera navaters e paschiaduors as chattaivan a Segl auncha ils purs. E finelmaing, nel Chastè residaivan ils guardiauns chi vaivan da mantgnair la pesch e la sgürezza in pajais.

In temps feudels, tuott quist persunel: Taverner, chavalers e buolchs e ruotters, navaters e pas-chiaduors, purs e gardiauns eiran per il pü sclevs, servs o colons. Lur patruns als piazzaivan nellas dittas

cuorts, als surdaivan chesa e fuonz taunt cha possan viver, ed in contracambi pretendaivan diversas prestaziuns in roba o in lavur, in lavur cumöna. Uschea ils chavalers ed ils buolchs furnivan ils transports. Ed ils ruotters mantgnaivan las vias. Ed ils pas-cheders furnivan ils peschs. Ed ils purs furnivan graun o fain o painch e chaschöl. E minchün vaiva da contribuir sa part.

Quists sclevs, servs e colons eiran organizzos in cuorts: Curtis, villa, mayoria, mayeria, maria, colonia. Co e lò, p. e. al lej da Wallenstadt, la cuort dals navaters gniva numneda curtis navalis. Sü Segl fin nel 17avel secul ils pas-cheders peran dad avair gieu tscherts dretts corporativs. (Schant. 1641 art. 76). Similmaing ils chavalers. Nel 1558, «quels chi haun chiauals in Seylg» plaundschan cunter lg reyst dalla uschinaunchia, chia quels da Seylg hegian fatt ün Aestim et luuamaints cun l's quels lur chaiuals sun squizos sün l'g paisch et haruedj. Chi so scha da vegl chavalers e pas-chiaduors da Segl nun hegian furmo egnas cuorts specielas, cun egnas organisaziun?

Alla testa dallas cuorts eira ün mer: Villicus, maior, tud. Meier. Scha la cuort as occupaiva speciemaing culla fabricaziun da pulmains, schi la numnaivane sannonia vaccarum. A sa testa cumpera il sanno, sain u sagnun.

Sü Segl existivan da temp antic bgeras marias. Speciemaing in val da Fex. Traunter bgeras otras vegn numneda üna maria domus grandae, maria chê granda dspera la funtauna aint a Fex. Seguond ils urbars dall' uvaschieu publicos da noss insmanchabel prof. Muoth, nel 15avel secul l'uvas-chieu vaiva eir üna maria a Blauncha, la maria de Planken. Da quella maria l'uvas-ch dett 10½ mozza da graun in feudo a Andrea figl da Tumesch dalla Tuor da Chamuesch.

Cull' ir dals anns, sclevs, servs e colons aquistettan dretts. Els aquistettan aunz dretts privats e feudels. In seguit aquistettan eir dretts publics, dretts da numner uffiziants e oters. E finelmaing aquistettane la liberted.

Las cuorts e colonias da sclevs, servs e colons dvanettan uschea cuorts dad homens libers. Ed ils homens libers tschernivan els svesa lur uffiziants: cuvihs, truadurs, suters, prasüraunts ed oters. Uschea eir in Engiadina e speciemaing eir sü Segl.

Lò as furmettan 4 chantuns: Baselgia, Maria, Fex e Grevasalvas. Baselgia e Maria bain bod as numnaivan vihs, vicus. Mincha chantun o vih tscherniva sieus uffiziants. Mincha chantun vaiva sieu cuvih e

sieu suter e sieu prasüraun. E quels redschaivan lur chantun a lur möd, indipendentamaing dals oters, resalvand il statüt d'Engiadina sura.

Que pudaiva ir uschea inavaunt üna pezza. Ma na alla lungia. Mincha chantun da Segl vaiva bainschi interess speciels e particulers. Taunt inavaunt mincha singul chantun pudaiva proceder seguond la nöbla massima dal sacro egoismo; el pudaiva pisserer per se e lascher cha que tuna. Ma in que möd dalöntschi nun as rivaiva. Ils chantuns da Segl nun vaivan be interess particulers, löng bricha. Els vaivan eir interess generels chi risguardaivan pü cu ün chantun, els vaivan eir interess chi risguardaivan tuotts quatter chantuns. Per exaimpel in affers dad ovas ed archas ed alps. In simils cas, cur cha que as trattaiva dad interess generels, ils chantuns nun pudaivan proceder isoledamaing e dir: Minchün per se e Dieu per tuotts. Ma ils chantuns stuvaivan proceder maun in maun, stuvaivan as unir in ün möd o l'oter: saja cha faivan appositas cuvgnentschas, saja cha 4 chantuns furmaivan insemmel üna communited. Que nun giaiva otramaing. In fatt, in affers d'interess generel ils 4 chantuns da Segl haun conclütt cuvgnentschas. Ed in seguit as haune unieus ed haun furmo üna suletta vschinauncha. Que eira la vschinauncha da Seilg intyra, vschinaunchia da Seylg generela, tuot usins, Seylg, Feytz et Crauesalves tuot üna usinaunchia.

Quista vschinauncha intera da Segl cumpera löng aunz cu l'ann 1538, ann dalla granda partiziun dal territori d'Engiadina sura. Löng aunz cu l'ann 1538, taunt las otras vschinaunchas scu Segl agivan scu persunas giuridicas, scu corporaziuns. Stipulaivan contracts, aquistaiavan dretts, surpigliaivan obligaziuns, e funcziunaivan scu ün organismo vivaint sia egna vita.

Uschea nel 1405, vicini de Sellio et de Marya, vschins da Segl e da Maria conclüdan cun Morell da Segl üna cuvgnentscha in merit alla fabrica d'üna chesa.

Nel 1408, la drettüra a ZuoZ conceda a Segl e Silvaplauna il teulonium vulgo furlait, las ftüras o il drett da portl.

Nel 1423, cuvihs e prasürauns de Sellio, de Mayria, de Feytz et de Caprisalbis, da Segl, da Maria, da Fex e da Grevasalvas dad üna vart e Gian numno Mazuk da Grevasalvas dall' otra vart conclüdan ün baratt da prasüras.

Nel 1432, Jacobus numno Merlus de Selgio figl del quondam Frar Gyan Convicus de Selgio, de Fedo, de Capris albis venda a nom dals ditts lös a Gyanatz figl dad Ursus Ribaldus da Fex bains aint a Fex aggravos da dischmas da ravitscha per 196 glivras mezzaunas.

Nel 1437 la vschinauncha da Segl aquista dals Plantauns il Castlaw de Sellio. Que sarò sto Chastè.

Nel 1438, Johannes numno Catzeder per uorden dalla vschinauncha da Segl cul consentimaint dals prasuradores venda a Januttus figl da Taratz üna prasüra a Feydes, aint a Fex.

Nel medem ann 1438, Zoya e Bernardus Zanella cuvihs dalla vschinauncha de Sellio, de Capris albis et de Feydes vendan a Böf figl da Gabri da Segl üna prasüra.

Medemmamaing nell' ann 1441 Trusca e Schwartz, cuvihs de Sellio, de Capris albis et de Feydes. Vair eir documaints del 1443 e 1448. Nel 1456, Antoni numno Süya e Gian figl Moreill tuotts duos da Segl, cuvihs da Sellio, Fedio e Cravesalvas «tuot üna usinaunchia» cun consentimaint da quatter homens depüts per ils affers publics daun a fitt etern a Giachem Butter da Segl ed a sieus ertevels il Ligatzöll ed il lej Lellast. Butter ho fingiò pajo 6 fl Arschtätz (Ehrschatz!) e pajarò 400 glivras mezzaunas. Ils Plantauns survegnan annuelmaing 200 peschs.

Nel 1477 Segl emanescha la Charta uygliia dalla intyra vsinaunchia per Archias e per condür louua Fedaquila. In quella charta, la vsinaunchia da Seylg et Feytz et Cravesalues statuescha in tael moed et fuorma, chia las surscrittas vsinaunchias sz. tuottas trais dayen esser, ster et rumagnayr üna usinaunchia in agiüt da lotra usinaunchia. La vschinauncha nomna 6 homens. Quels ses sun oblios scu sguonda:

... dayen eir yr, et uayr sura detta ouua in feytz sz. in Wadretth, sura punths, uias, proos et payschks Et quaist fer suuaynter chia uoeglien der quintt a dieu: Et eir Archias, condür louua, quaista daya esser, et ster schko d'uygliamaing la gyaua et eyra ...

Nel 1486, la drettüra sur Funtauna Merla sentenziescha: Scha cuvihs ed avuos, wuuadia dalla baselgia da San Lureyng da Seylg cummandan, vschins da Segl dajan ubbidir. E la chesa dal chaplaun dalla baselgia daja esser our a Baselgia e na aint a Maria.

Nel 1498, vschins da Maria, Baselgia e Cravesalues faun process cunter «quels da Feytz» per la paschüra in val da Fex.

Nel 1500, la vsinaunchia intyra Maria Baselgia feitz et Craves-alues venda ün sulam vidvart la punt da Maria.

E nel 1532, tuott la vschinauncha ais suottsur per via dallas alps: Per chiauscha d'üna differentzchia craschida in tuott la vsinaunchia da Seilg. Numnedamaing traunter l's da Baselgia duna wartt, et quels da Maria par la seguonda, et quels dfeitz per la tertza tuots dalg Comün da Seylg per chiauscha dallas Alps, Munts, paschk da tuotta la Vsinaunchia. Co chattains dunque ün Comün da Seylg chi posseda el alps e munts e pascul.

Uschea, löng aunz cu la granda partiziun territoriela dals 24 Meg 1538, Segl furmaiva üna vschinauncha e vaiva scu tela eгна vita ed esistenza corporativa.

In seguit, precisamaing ils 24 Meg 1538, depütos dallas vschinaunchas da tuott il cumün decidittan da partir la pas-chüra cumöna e da planter tierms, da möd cha mincha vschinauncha hegia egens cunfins e tierms. Il medem ann, in esecuziun da quista deliberaziun, Segl e Silvaplauna fixettan lur confins e fettan imbrefgier la charta dals cunfins. Dall' otra vart, vers la Bregaglia, ils cunfins eiran tiermos fingiö aunz e gnittan renovos nel 1555.

Uschea, scha na fingiö aunz, schi al pü tard nel 1538 Segl scu vschinauncha vaiva egen territori e dretts territoriels. Ed ils 4 chantuns vessan taunt inavaunt pudieu svanir. Viver, que ch'ün clamma viver nun pudaivane pü.

Ma scha nun pudaivan viver, schi vulaivane almain vegeter. Quetaunt haune fatt. Ed eir nel seguit ils schantamaints da Segl prescrivettan almain cha nellas tschernas ils chantuns dajan gnir risguardos in tschertas proporziuns. Uschea ils schantamaints da Segl del 1641 prescrivian:

«La Bachietta da Cuvichs gaia in aroda ün ann per Chiantum... Et chia s metta ün suther speciel per chiantun... Chia tiers ls Cuvichs uegnan miss duos Suters da Thaiss per chiantun et Truuaduors suot Cuvichs ün per Chiantum...»

Ils chantuns da Fex e Grevas Alvas haun dretts speciels in fatt da muntas.

Ed il predichant predgia üna Dumengia per chantun. (Vair Annalas XX, pag. 37.)

Da tela sort eiran ils dretts rastos als chantuns. Per il rest cum-mandaiva per usche dir in tuott e per tuott la vschinauncha generela.

Per que chi risguarda la vita da Segl, l'archiv conserva preziusa-
maing, scu bellas e richas funtaunas, documaints chi spordschan ün
grand materiel storic. Traunter quists documaints relevains in möd
speciel il Protocollum Tabellionatus o las imbrefgiadüras dal nuder
Foart a Castelmur. Medemas contegnan documaints a partir dal 1563.

Entrer in detagls mness memma dalöntschi e nun rivessans ad
üna fin. Ma cha saja permiss da menziuner qualche chosas our dals
taunts contracts e oters elaborats.

Vegnan vandidas immobilias: Chesas, ers, pros e oter fuonz. Nels
contracts vegn ditt cha il vandeder venda il fuonz de coelo in terram,
ad coelum usque, da tschel in terra, cun tuotta garanzia. Vegnan in-
dichos ils confins, las scurentschas, cohaerentiae. Vegnan indichedas
las pertinenzas dal fuonz. Scu pertinenzas cumperan eir las alps, pru-
babel il drett d'alpager. In tels contracts vegn eir menziuno il tschuver-
tscham, zuuerzamme.

Ch'ün congualescha ils contracts seguaints:

1574 die 19 Julique, Joannes baliochae agens nomine Angli-
nae quondam Joannis Jeclin (?) ibi praesentis fecit facit liberam et
liquidam admodum praedii boni (saluo ut infra) (venditionem) in ma-
nibus S. Conradinl Molinary de bundo ibi praesentis de tota et integra
eius haereditate haereditata in fedio ab eius parentibus patri et matri
sz. de praedio, domibus cum eius iuribus attinentibus, tablato, ouili,
tegys etc., cum omnibus eius bonis iuribus et pertinentys ascuis pascuis
uys semitis sulcis ingressibus egressibus stillicidiis alpibus etc. nullis
omnino demptis...

1569 die 22 Julij. S. Zacarias Stampa de Vicosoprano Wallis Bre-
galiae fecit liberam ad modum praedij boni uenditionem in manibus
Zuuan Raphael de Curtebattis de Solio Wallis suprascriptae de Mayria
una iacente in territorio de Selio, in Gravis Albis ubi dicitur Blanca
sc. de prato ubi dicitur Petia pontis ... item de Prato Zocca coh. a
mane Joannes Curtebat, a meridie Comune, a sero raphael, a nulla
Zenanta...

Nel 1585, ils chantuns da Maria e Baselgia cun Grevasalvas e
Bluncha cumpran il Chiastilg e precisamaing:

quel chi giescha spera l'g Vich da Baselgia incunter sulailg d'A-
randieu saro aint intuorn intuorn cun l'g leyg, oter cho dalla varth
dalg Oryaint, dalla quela uarth ais lgs proos schorenzas..., cun l's

proos, Aers, aschk, paschk, buoschk, fruoischk, plauntes, cun tuotta otra soart d'Materia...

Vegn vandieu fain, chavals e muaglia. Il vandeder nun garantescha allura per ünguotta. El declera solennamaing, cha el venda o baratta il fain scu fain marsch, ed ils chavals scu mendus e las vachas scu zoppas e vödas, scu ün sach d'ossa.

Lossupra ils contracts sun clers:

1564 die 16 Octob.

S. Petrus Corn ex una et^a Joannes Chrialascus ex altera fecerunt et conduxerunt tale ut hic sequitur incantum et contractum. Petrus Corn itaque primo dedit Joanni Chrialasco eius duo tablata foeni in Fedio pro marcido, mucido, putri, et pro tanto stramine ad computum r. 10 pro unaquaque uaccada. Secundo ei dedit quinque vaccas cum omnibus earum mendis, pro voidis, claudis et tamquam saccum ossarum (sic) ad computum r. 11 pro singula uacca....

1565 die 7 Juny.

Joannes Turnin Junior uendidit equum unum S. Cipriano preuost de Vicosoprano cum omnibus eius mendis (tamquam saccum plenum ossarum) pro summa r. 31 monetae teutonicae...

1577 die 2 January.

D. Joannes Antonius Cortesius concionator Sely una cum eius filio Francisco uendidit Joanni Chrialasco ibi praesenti quatuor equos cum eorum onere siue carga: item cum omnibus eorum fornimentis item cum quatuor coronatis promptis item cum rupis faeni quod faenum aestimatum est r. 10 et hoc cum omnibus eorum mendis et hoc pro pretio r. 260....

Ils 10 Avuost 1563, appretschadurs da Segl stiman divers bains da Gian Püt e traunter medems eir pisces lacus, peschs dal lej:

... appretiauerunt et reuiserunt secundum formam Engadinae superioris de bonis et rebus Joannis put praesentis et acceptantis petiam unam terrae pratiuae iacentem in Selio ubi dicitur Clos, cui cohaeret a mane Heredes domini Conradini Planta de Suzio a meridie Joannes lischander a sero heredes Joannis biscote senioris a nulla hora Antonius püt. Item 9 pisces lacus iacentes in Selio ubi dicitur lauadaing praedia bona libera et cum omnibus suis iuribus pertinentiis, et hoc pro pretio a suprascriptis appretiatoribus appretiato R 60 et cr. 30 causa tanti debiti lapsi.

Ils 28 Lügl 1564 ils ertevels dad Anna Battaglia, muglier da Giachem Zuan dividan il relasch. In medem as rechattan 6 peschs dal lej, sex pisces lacus. Neisa Zuan survegna: media seglia, piscis unus lacus, cruceri decem ficti, pro R 4 et cr 20 de bono mobili, et bos unus.

Nel 1565 ils ertevels da Bastiaun Philipessa da Grevasalvas dividan il relasch da bap e mamma. Nella partiziun vegnan menziunos traunter oter:

Bos, muoiga, sterla, tres oves, 10½ ulnae panni alti, bozinum, penaglia, manera, meltra, zappa, codirollae, padellae, ensis, cuuria, coyrum crudum, rassa rubra, rastelli, furca, falx, badillus, zappa sulcorum, trecia, raglio, mottae.

Nel 1565 a Chanfer as maridan Hans Wolff dad Aefras abitant als Mulins ed Anna Mont. Il matrimoni ho lö cul consentimaint dad amihs chi firman il contract. Per il cas, cha ils iuguels nun vessan dad avair discendenza e cha ün dad els muriss, Hans Wolff prumetta a sa duonna o als ertevels da medema 100 arainschs a möd da sponsaliciu o Morgengabe. Ed il nuder scriva in sieu protocoll:

... quod si obtigerit alter eorum obire diem sine haeredibus earum auenarum (quod deus vertat), quod suprascriptus hans sponsus teneatur ex eius bonis Annae sponsae siue haeredibus pro dono siue *mort in gatto* rhenenses centum ...

Nel 1564 Lucas mur, Pedrottus lischander, Joannes Crialascus e Fortis Castelmur nuder a nom dal vih Baselgia iffineschan Joannes del guid da Prada scu sain: conduxerunt et affinauerunt Joannem del guid de prada ibi praesentem et acceptantem pro eorum caseario aut sagno per annum praesentem, pro R. 9 et pare calceorum, cum pacto quod debeat accipere aurum ad cursum comunitatis Clauennae, dando tum ei suprascripto Joanni bationes 15 pro renense.

Nel 1565 ils rappreschantants da Segl, San Murezzan e Silvaplauna daun a fitt per 5 anns a Gian Chastè da Silvaplauna il furlait: affictauerunt et dederunt ad affictum uetigal siue furlayd ad exigendum prout continetur in copia Vectigalis Joanni Castylg de Syluaplana per spatium annorum quinque proximorum subsequentium, pro cuius vectigalis fictu Joanes de Castylg se obligatus est et tenetur soluere omni anno in die S. Georgy R. 17 suprascriptis tribus Vicinitatibus siue unicuique Vicinitati R. 5 et cr. 40.

Nel 1569 vegn vandieu ün pro a Silvaplauna, resalvand ils dretts vi dalla tegia dal Gülia: pratum in Sylvaplana in Curtins cum omni

iure saluo in Tegia Iuliae. La tegia dal Giülia sarò steda üna suosda per il furlait sur Gülia.

Nel 1565 il puntstag a Tavo deliberett da renover l'alliaunza culla Frauntscha. L'Engiadina as agitett. Engiadinais in armas gnittan insembel a Zuoz ed instituittan lò üna drettüra noscha. In quella occasiun eir Segl tschernitt ün sudo. Quist sudo eira Gianett Feista, abitant a Silvaplauna. In medem temp, eir Silvaplauna tschernitt scu sudo il medem Gianett. A duos signurs neir Gianett nun pudaiva servir; o l'ün o l'oter! Gianett Feista deciditt da purter las armas cul contingent da Silvaplauna. Ils 10 Marz 1565 il nuder scrivet los-supra ün bel protocoll:

Noverint singuli, qualiter, cum necessitudo et opus postularent eligere Milites et bellum inire pro rumpenda conuentione facta cum Rege Franciae et manutenenda nostra uetustissima libertate (quam nostri ueteres magnis laboribus et sparsione sanguinis parti sunt). Vicinitas Sely elegerit Janetum feista in militem et Vicinitas Syluaplana eundem etiam elegerit. In ea tunc differentia aliquamdiu uersantes, tandem Vicinitas Sely siue conuici dictae Vicinitatis dederunt optionem Janeto ut eae parti siue Vicinitati, quam malueret, se coniungeret et reduceret, accepta ergo optione respondet, quod iam habitaret Syluaplanam et ideo uelle cum illis de Syluaplana proficisci, praesentibus Joanne zun, andrea gaudenty Vrsae, Joanne sauet conuicis de Syluaplana, Joanne mur, Antonio Zaff, Joanne melcher, conuicis de Selio et Nutto paulo Nuncio Communis.

In quella occasiun ün tschert nummer da guerriers valurus, per piglier curaschi, eiran ieus in chesa del nuder e vaivan bavieu diversas fraclas dal bun. Que eiran Joannes Afra, Joannes Josch, Joannes Stampa, Mathias Afra, Thomas Bledar, Joannes Arinot, parcifal zan-brun, Jacobus muoz, tuotts da Zuoz, e Nuot pernisch da Madulain. Cur cha que as trattaiva da pajer, schi üngün nun vaiva rapps. Ma Joannes Afra prastett garanzia. Ed il nuder as cuntantett e pigliett buna nota nel protocoll.

Nel 1591, Grevasalvas vaiva 27 famiglias; medemmas vaivan 127½ vachedas. Taunt inavaunt Grevasalvas vaiva bsögn da paschüra d'alp. Ma da quellas famiglias 3 eiran estras. E dals vschins a Grevasalvas divers eiran uscheditts «vsins d'braiaglia», provenients da Bragaglia. Quists vschins da Bragaglia fin nel 1576 vaivan be

dretts limitos. Pür nel 1576, 9 vschins da Bragaglia aviand inizio process, tuotts vschins da Segl:

haun do letta als dits nuoff suranumnos, schi vulessen suletta-
maing giudair lur proeui bain suainter l's artichiels da trais Lyas,
u in tuott et per tuott prender dretts da vsins a bain et a mael
Mu ls dits nuoff haun dumando spaci et temp da cuschidrer lur
fatts et d'araspuonder: e uscheia per spaci d'ün Ann et plü
hauand cuschidro lur fatts, in l'g preschaint resoluieus, haun
prains la letta ad els sporta, et piglien da uulair aqui dsieua
giudair et uiuer in tuott et per tuott sco oters vsins, a bain et a
mael. Mu dits cuuichs, hauand piglio sü las vuschs et scodüna
vusch dimperse, dits vschins tuots per üna et per üna buocchia
nun cunterdschand ingün haun prains sü l's dits nuoff suranum-
nos in lur vschins, fraers et culios, els et lur harteuels, che puossen
adruuer, giudair, üser et possidair tuot drets, gracias, priuilegis,
vfficis et beneficis, chiargias et grauezes, l's quels paun iscuntrar
ad oters vsins da la ditta vsinaunchia et soglien gratagier huotz
et in aeterna, saia in bain u a mael. Dunto praschaints pyder
et schimun chiudirels, sawuiaschs, et tuots vsins, pardüttes suf-
ficiaintes.

Uschea daspö il 1576 ils dits vschins da Bragaglia vaivan dretts
da vschins. A que chi pera resulter da documaints dal 1666, lur dretts
nun eiran tuott affatt ils medems scu quels dals oters chantuns; ün
distinguiva tuottüna auncha vschins dal Plaun e vschins da Fex e
vschins da Grevasalvas . . . Tuottüna quels da Grevasalvas vaivan
drett d'alpager scu ils oters. Ma quist drett a que chi pera al exer-
citaivane intuorn Grevasalvas. Almain taunt ais tschert cha nels
process sur las alps sül Munt sur Maria ed aint a Fex, quels da
Grevasalvas pigliaivan pocha part.

Fex vaiva nel 1591 58 famiglias, e quellas vaivan 311½ va-
chedas. Vaivan bgera muaglia, e quista muaglia vaiva bsögn da
bgera pas-chüra e specielmaing da bgera pas-chüra d'alp. Ma quella
pas-chüra d'alp cha druvaivan, quels da Fex la vaivan abbondanta-
maing. Ed els la giodaivan ed eiran cuntaints! Beati possidentes.
Que nun eira els chi vaivan da's plaundscher!

Nel medem ann 1591, Maria vaiva 58 famiglias; quellas posse-
daivan 260 vachedas. Quels da Maria chargiaivan da vegl speciel-
maing il Munt sur Maria.

Finelmaing, nel medem ann, Baselgia vaiva 17 famiglias; quellas possedaivan 100 $\frac{1}{2}$ vachedas. Vair lossupra: Notizias istoricas supra Segl, da J. Caviezel, nella Dumengia Saira 2. anneda pag. 129. — Scu fingiò atschénno, Baselgia da principi prubabel eira üna colonia da chavalers e pas-cheders. Fintaunt cha eiran chavalers e pas-cheders, quels da Baselgia as occupaivan principelmaing cun chavals e vtüras, cul lej e cun barchas e raits e forellas. Allura tgnaiwane main muaglia e druvaivan main pas-chüra d'alp. Pü tard ils temps müdettan. Tgnand pü muaglia, quels da Baselgia vaivan bsögn da pü pas-chüra d'alp. Dallas chartas e sentenzas resulta cha que eira speciellmaing quels da Baselgia chi stuvaivan as duster e dumander alps per lur muaglia.

Lossupra ch'ün conguallescha las chartas annexas.

DOCUMENTS.

I.

Chiarta uiglia dawartt paisck d'Alp traunter Seylg et Feytz.

Anno 1498 adi 2 d'Vchiuuer: indictum prima in Seylg l'g uych da Maria in stüua ian zaff. Et aquo Eyra üna diferenzchia: intraunter usins da Seylg, et d'Feytz: fatschand Peider palauna, peyder Lung et Antoni Fadrych Anumma dals vsins da Maria, Baselgia et Crauesaluess duna wartt: Et Antoni ianut Buzetta et Bernartt duriessa a numa dals d'Feytz da lotra wartth: Et quaista diferenzchia eyra per l's payschks dalla Wal d'Feytz Et uscheya l'g dretth ho mis quaista diferenzchia in maun dalla Communitet et vscheya la Comunitet ho scharnieu siss hommens: sc. S. Gudayntz da Samedä, Peider Muttera da Schlarina, Thomaesch patria da Samureci, Nut Curo da chiauayschk, Antoni Studulin da zuotz, et Iachem dalla zatta da Schiamf: Cun permischium tres ellas parts fatta, da ster et saluer ratth et feyrm tuott aque chia tres dit Arbitraduors fatt et ordino uayn in perpetuum. prumeramayng dit hommens Ordaynen chia tuott instrumaynts et chiartes: traunter dittas parths dessan esser uaunas e chiassas et d'ingiün ualur fin al di d'hotz: et quaist par la surscritta diferenzchia sulet et rasaluo dretths dalla Comunitet. Item l's surscrits hauiant inclyt las parts: Ordainan chia la Vsinaunchia da Seylg u vsins da Seylg possen chiarger üna Alp ch'els haun in Feytz: cun uacchias 48 da lath et ün thor et nun cun plü muaglia ni poyrks. Item Ordaynen scha füs qual vsin da Seylg chi haues ün chiauaylg et nun bouf; quel usin po mner quel chiauaylg aint in la Wal d'Feytz et paschkuler innuua chi paschkula las uacchias d'Feytz. Item Ordaynen scha füs qual vsin da Seylg, chi haues ün bouf da lauur et ün da grass: po mner in Feytz et ster a paster u pasturetz cun quels dfeytz et payer lg paster schko quels dfeytz. Item Ordaynen chia usins da seyhg possen ir (cun) muaglia da chesa et paschkuler per uias, truoygs et paschk scko duy-

glyamaing sun ieus, tornant impersche da nott a chesa. Item Ordaynen chia Massers da Platta dayen et possen ir et paschkuler sco da uylg sun ieus et paschkulo. Item ordainen chia ün usin dfeytz possa eyr mner ün bouf da lauur et ün da grass innuua chi mayna usins da Seylg et paschkuler et ster a paster, scko quels da Seylg. Duanto in Seylg preschaynt l'g dretth et l's Arbitraduors. Eau preer Iachem Biuet da seylg aweyrtt Nuder he scrift.

II.

Chiarta intraunter la Vsinaunchia da Seilg intyra dauuartt las alps et da bouffs et munts.

Anno 1532 Indictiun qnta adj 27 d'Lüylg Tgniant Bachetta S. Anthoni planta da Samedà mastrel sur Funtauna Meyrla cun seis Truuaduors Ian chiabriel et Iannuot Curo da Beuer. Ian Martin, Ian leta, Batrumieu Bifrun et me Zortz traueyrss Nuder tuots da Samedà. Niclo cheisel et Ian Tirel da Schlarina. Ian Schochia et Iachem Varzili da pontrasina. Jachem Pol et Ian Maleta da Samurecin. Jan Schimonet et Sauet da Salaplauna tuots truua-duors sur Funtauna Meirla in Seylg in chesa dalg Pitschen p. chiausa d'üna differenzchia craschida in tuott la vsinaunchia da Seilg. Numnedamaing traunter l's da Baselgia duna wartt, et quels da Maria par la seguonda, et quels dfeitz per la teyrtza tuots dalg Comün da Seylg per chiauscha dallas Alps, Munts, paschk da tuotta la Vsinaunchia. Sun cumparieus quels da Baselgia cun lur Ammusadur Ian Schochia et purto auuaunt ed dumando ch'ad els des gnir designo üna alp, our da quellas trais alps dalla usinaunchia specielmaing, uscheya ch'els possen ditta Alp giudair separedamaing et dimparse our dals oters chiantuns: Maria et feitz alhur bain plaschair in perpetuum. Da lotra Wartt sun cumparieus quels da Maria cun lur Ammusadur: Ian Martin dschantt chia tuotta la Vsinaunchia hegia trais alps in-semmel et chia imünchia an s'müdan giu cun chiarger dittas alps, duos in feitz et üna l'g Munt sur Maria, et sü sura sayen idas sentinzchias huossa trais ans prossems passos: et chia giauüschen chia ditta sentinzchia uigna cunfarmeda lo tyertz rumagnayr. Par la teyrtza sun cumparieus quels dfeitz cun lur Ammusadur Niclo cheisel, dschant chia sun fattas duos alps in lur Wal dfeitz tres els da Baselgia et Maria et chia chiargen quellas cun lur uacchias, cun las quelas els uegnen chialchios: uscheya ch'els dfeitz nun haun paschk a sufficienzchia da paschanter lur muuel et uscheya dumandan els chia dittas alps Edifichedas tres els da Baselgia et Maria reistan uoedas et nun chiar-gedas, mu chia quella alp ad els d'feytz saye deda per libra per üss da lur Munt. E uscheya giauüschen els chia dit Munts e paschk taunt dfeitz sco l'g munt sur Maria tres dit Mastrel et Dretth daye gnir uays ascho chia dretth et iustitia duainta per tuots, nun siand la santinzchia tratta uschiglioe tres els da Baselgia et Maria salueda. Hauiand usche inclytt plaunt, rasch-posta, ditts, cunterditts, uays l's lous dalla diferenzchia, uays ls Munts tuots d'Feitz et da Maria da lüna et lotra Wartt uays et lytt lg instrumaint d'sentinzchia Ais sentinzchio in aquaist moed. Clamo eyr l'g num da Dieu in

agiüdt: Che quels da Baselgia hegian et dessen hauair üna Alp da quellas duos in Feytz Edifichedas quela chia els uoeglien par uachias sasaunta et ün thor, et Brichia plü, cun tel paick, sch'els haun da chiarger cun lur Egnas uachias chia possen que fer, Et scha nun haun tauntas eignas uachias chia alhura dessen els prender dallas uachias da Maria infina alg cumplimaynt dalg nummer da dittas uachias 60. Et els da Maria paun scha uoeglien cumplir ditt nummer cun lur uachias: Et scha nun s'saun cufgnir in der dittas uachias alg cumplimaynt surscrit, chia den trer la soart intraunter els, chi daye der l'g prüm las uachias utsupra. Et dits da Maria dessen l'g areyst paschculer in lhur munth. Et els da Maria dessen ster in dit munt cun tuot lur Muuel. Quel paick des dürer sys ans prossems da quaist an inauuaunt. Et passo dit sys ans l's dits da Maria haun letta scha uoeglien chia possen chiargier ditta alp in Feytz ad els da Baselgia deda cun uachias 60 et ün thor eyr sis ans et uscheya sequiter et quels da Baselgia chiarger lalp sün lg Munth Maria cun uachias 60 utsupra. Sumgiauntamaing ho eyr letta quels da Baselgia scha quels da Maria nun pigliassen letta chia quels da Baselgia possen scha uoeglien chiarger quella alp sün l'g Munth Maria in tuott moedt utsupra, et quels da Maria chiarger in Feitz. Item chia quels da Maria dallas 60 uachias in sü stetten saimper aint in lg dit munt Maria cun tuott lur otras uachias e muuel saye chia chiargien dittas uachias 60 in Feitz u duayramaynt in lur munt Maria utsupra. Item chia quels da Maria in quels sis prüm ans possen tanser quel munth sura Maria u fer paschculer cun chefras u oter Muuel a lhur bain plaschair. Et sch'ad aquels da Baselgia tuchias passo dit sis ans da chiarger quela alp sura Maria: chia dit Munth saye usche tanso u uigne paschculo in tuott moed, sco d'haun fatt l's prüm sis ans. Item chia quels da Maria in l's prüms sis ans hegien letta da chiarger ditta alp suainter las plü uuschs u na. uscheya chia passo dit sis ans scha tuchias als da Baselgia da chiarger ditta alp, ch'els la cusaynen intyra da cho ch'ella ais huossa. Item chia quels da Baselgia et Maria possen fer paschculer lur bouffs cun quels dfeytz comünamaynt payant lur ratta parth pasturetz lg munth sura l's Craps sü som lg paschk sura Feytz dalla warth schnestra ad ir aynt sura l's buuels: Uscheya chia nun dettan dan aint ls muntts dfeytz. Et scha uoeglien fer chiürer da lur posta l's bouffs chia possen fer nun dant dann aint l's buuels dfeytz. Item chia aint in Feytz nun saye oter cho üna alp dals da Baselgia et Maria huossa et in perpetuum. Item chia lg Munth da lotra warth dalla punth uiduartt Baselgia dalla dretta Wartth giand a Seylg saye comün tuotta vsinaunchia da Seylg Baselgia Maria et Feytz et chia quel possa gnir giudieu comünamayng. Item chia aint in lalp d feitz nun posse gnir tgnieu porcks sainza licentia dals dfeytz. Item chia tuot Meers in feytz possen paschculer sco d'uygliamainnt haun paschculo e giudieu. Item chia ditta sentinzchia tres tuottas parts des gnir tgnida et salueda in tuott moed suot paina da glifras schyent mezaunas bluottas dant tres quella partt chi nun saluas alla partth obediainta duanto in Seylg preschaynt lg dretths

Eau Ian pol da Samedà habitant in Beuer Aueyrt nuder he scritt oura

dalg protocol dalg Barmör S Zortsch trauers da pled in pled cho chia que eyra scrit et declaro.

III.

Sentynzchia et Cufgninscha dalla Vsinaunchia da Seylg dauart las alps et lg goodt dalla Sponda chê granda in Feytz.

Anno 1545 Indictium teyrtza adj 17 dalg mays d'Giüng Tgniant bachetta eau Nuder infrascrit uayr Mastrel in Seylg cun l's nobels et prudaints: Anthonj planta, Ian leta, Iannuott Bifrun, et Ian Andreoscha tuots da Samedà: Iachem Nuot pitschen et Guding Tack da Beuer: Andrea Manzin da Pontrasina, Ian Tirel et Ian Guding da Schlarina, Ian Maletta et Gironj Pol da Samureci, Ian Iachiam et Ian Sauèt da Salaplauna, tuots truaduors urdinos dalla Drachiüra dalg Comün d'Agnedina sur Funtauna Meyrla: Ais sto üna Diferentzchia intraunter Vsins da Seylg numneda-maing traunter quels da Baselgia fatschiant cun lur Amusadur Ian Maletta d'üna wartt: et usins da quella usinaunchia da Maria Raschpondaduors cun lur ammusadur Ian leta da lotra uartt: Et quaist ais sto par chiauscha dallas Alps: per che l's Actuors s'pretendaivan ch'als des gnir do üna alp dimperse dalla ditta Vsinaunchia cun oter plü plets: Et l's dits reschpondaduors dschayuen da na: Hauiant uscheya inclitt plaunt, Raschposta, lytt ün instrumaint d'sentenzchia anno 1532 scritt tres S. Zortsch Traueyrss awayrt Nuder et cuschidro tuottas chiosas, hauiand ditt Dretth hagieu Cusailg et lg num da Dieu clamo per agiuit (dalg quel uain tuott boen) ho Giudichio et sentinzchio: Chia Vsins da Baselgia et Maria dessen comunamaing giudair dittas alps. Et l's Cuvichs da Seylg tuott trais dayen scheyrner noff hommens; numneda-maing trais in Baselgia: trais in Maria: et in Feytz, l's quels 9 hommens dessen tanser ditta alp aint lg munt d'Maria per lur saramaint: uscheya chia scodün gioda lg sieu, et üna usinaunchia inguelmaing scko lotra d'paschck gioda. Alhura lalp d'feitz cun sasaunta uachias: da cho chia ch'aqui dauaunt ais sto iudichio des gnir chargeda: Et quella aint lg Munt d'Maria cun innumber da uachias per cusailg da ditt nouff hommens, d'sieua quellas Alps dessan gnir surtidas par ün u plüs Anns suuainter chi sumaglia a dit hommens. Aint in las quelas quels da Baselgia in perpetua tuot lur uachias paun metter, dallas quelas üna sch'els nun paun chiarger, alhura quels da Maria saimper sun culpaunt a cumplir l'g innumber; scha quels da Baselgia per se suessa: Scha quels nouff hommens iudichian chia uigne aunchia fatt üna alp, schi haun els la pusaunza da fer: modo chia que duainta sainza preiudici dalla sentinzchia la quela l'g dretth lascha in Vigur et cunfeirma: Duanto in chesa Ian chrialayschk preschaynt l'g Dretth. Anno di et hura surscrita standt ditta diferentzchia l's dit Cuvichs haun scharnieu dit nouff hommens; l's quels sun stos Iachem P. Bernartt: Alischander zuye et Ian Chrialascht da Baselgia: Anthoni Bachiog: Ian bun püth: et Ian Curo buschetta da Maria: Ian Anthoni: Niclo trauaylg et Ian puscheff d'feytz: Quels hommens

siand gniews insemel: hauiant inclit la sentinzchia tratta et tuott bain cuschidro, par lur saramaint haun urdeno et cunschieu: cha per huossa nun uigne fatt otra alp: Et lalp da Maria in tael moed haun tanso, Prümernaing che chaivals nun paschculeschan dit paschk da ditta alp auaint la feista da S. Batrumieu: dsieua paun els paschculer aint in Murter. Item las chefras nun dessen ir lander sü a paschculer auaint chialanda Luylg et da londer innauous possan ellas ir paschculant dalg Crap Cunkas ingiu giant giu incunter louua da Rabgiusa et da londer insü fin sü las blayss da proguylg. Item las chefras paun eyr ir per transit tres dit Cufins fin alg plaun Comün et allo paschculer et da lomder in sü: Item tuotta soartt d'Muuaglia steyrta sainza latth nun dessen da quaista uartt dall ouua d'fimdülgs paschculer, però da schella uartt da louua schi. Nuorses nun dessen in dit Cufins ir ni pascher: Pourcks nun dessen gnir mnos in las alps: u poya cha sayen dals patrums dallas alps. Plü las alps sun uscheya sortidas cha müdan dan in an. Et quaist an ho tuchio la soartt dalla Alp dalg munt Maria ad aquels da Baselgia: ls quels dessan chiargier cun lur uachias et alhura piglier l'g cumplimaint in Maria. Scomenzant in chesa dalg Mur et uscheya giant innauaunt infina alg innumber da uachias sasaunta. Vscheya siand finieu quel an des uscheya rumagnair. Et allo des alhura scumenzer lg innumber dallas uachias da chiargier lalp dfeitz giand innauaunt infin alg inumber da sasaunta uachias et siand finieu dit an des allo Rumagnair. L'g seguaint an des quels da Baselgia scomanzer a piglier l'g Complimaint da chiarger lur inumber in l'alp dfeitz. Et quel finieu quels da Maria dessen scumanzer a prender lg inumber da chiarger lalp dalg munt da Maria et uscheya continuant dessen saluer quel huorden. Item scodün usin sieu dretth da chiarger lalp po der ad ün oter. Duanto in chesa dalg Lischander preschaint dit nouff hommens: l's quels maun do aint uscheya.

Eau Iachem filg q. Ian bifrun da Samedà awayrtt Nuder he scritt et suot scrit.

IV.

Instrumaint d'sentynzchia dauartt l'g Aldüm dalla Alp in Feytz.

Anno 1557 indictiun quindascheula: Adi 7 d'Sutember Awaunt l'g Dretth in Seylg (Tgniandt bachetta l'g Hundrayuel S. Jan Anthoni Musaun deputo Mastrêl sur Funtauna Meirla da Samedà cun seis depütos Truuaduors: Dionis Ian Martin, et me Nuder depütos, Durich Stupaun, Andrea Zauarit scharniews aint, tuots da Samedà: Iachem Nuot pitschen et Ian Durich Bifrun da Beuer. Ian Batista Fuzöl et Ian Mathia bunhum scharnieu da Schlarina, Thumesch Mureci et Ian ianet Durich da Pontraschina. Ian Maletta et iachem Muschiaun scharnieu da San Mureci, Iachem Cloet et Anthoni Schimonet da Saluaplauna. Ais sto üna diferenzchia intraunter l'g Vych da Maria ed lg vich da baselgia dalla Vsinaunchia da Seylg.

par quels fatschaiuen Ian Mur, Iachem zoya cuuichs da dit uichs cun seis agiudaunts, Thoni Zaf, Turnin, Ian Chrialaisck Thön Bachioick et oters usins, d'üna warthh. Et l's herteuels dalg barmör S. Antoni Stampa d'brayaglia, par l's quels fatschaiuen S. Leun filius dalg dit S. Antoni et Thomaschin da Muntatz S. Iachem S. Bernhard da lotra Wartt. Quaista diferinzchia eyra par chiauscha, chia quaist dit barmör S. Anthoni hauaiua üna uoutta cumpro dals pardauuaunts da dit Actuors tuott l'g Aldüm, l'g quel imünchia An s'araschpeua dalla Muuaglia lur aint in lur Alp giaschaunta in Feytz. Huossa dit Actuors nun uulaiuan suainter solit moed der dit Aldüm instaiuen da annuler mediaunt l'g dreth ditta venzida. Reschpondaduors resi-stayuen ad aquaista dumanda: instandt cha quaista lur cumpra fatta saya uallida et chia per ingiün nun des gnir uioleda, mu chella des gnir salueda suainter lur paicks. Uscheya hauiand dit Dretth udieu las parts, plaunt, Raschposta, cun lur amusaduors dalg Dretth allubieus, eyr lytt l'g instrumaint da ditta venzida: scrit tres S. Iachem Biuet preyr et aweyrt Nuder Anno 1525 adi 15 d Sutember, uays eyr ditta Alp: Dit dretth hauiand tuottas chioses bain cuschidro. Et l'g num da dieu clamo in agiüt d'sieua üna letta deda ad els Reschpondaduors. Ais iudichio: chia tuott l'g Aldüm da quella Alp in Feytz da dit Actuors huossa et in perpetuum partegna, saye et pertegna a dit herteuels da dit barmör S. Antoni: cun quaistas conditiuns. Prümeramaing scha la ditta Alp nun füs chiargeda ultra l'g inumber da schinquanta uachias, mu scha quella füs chiargeda ultra quel inumber, alhura aque chi passa dit innumber daye esser et partegnêr als Massêrs da ditta Alp. Secunderamaing chia Massers da ditta Alp dayen prochiürer cun lur sayng et pastuortz chia immünchia an uegne Raschpo dit aldüm in Mantuns, l'g quel siand Raschpo dit herteuels sun cul paunt dals der ün peer d schiarpas. Par 'lg teyrtz chia dit herteuels sayen culpaunts immünchia An lur Aldüm da mner dauend da an in an auuaunt chia quella Alp uigne chiargeda: Vschiglioe siand chiargio lalp, Massers da lalp paun mner dauent dit aldüm. Par l'g quartt et dauous chia dit herteuels immünchia an par l'g di da Sainchia Crusch sayen culpaunts da der rainschs duos bluotz als chios da ditta alp: Mu scha nun dessen, alhura Massers da lalp paun lur Aldüm prender et tgnair par els in perpetuum et quel giudair sainza contradiction da dit herteuels. Duanto in Seylg in chesa Ian Mur, preschaint l'g Dreth.

Eau Iachem filius S. Ian Bifrun da Samedä Aweyrt Nuder tres comischium dalg Dreth he scrit.

V.

Anno 1573 indictiun prüma adi 9 dalg mays d'Meyg Tgniandt bachetta s. Ian Andreoscha da Samedä Mastrel sura Funtauna Meyrla in Ciuil, cun l's Truuaduors S. Gudaintz plaunta, Clo pappä et Anthoeni Ianatsch da Samedä, Nutt thönet luchin et Ian pol Nuder infra scrit da Beuer, Ian Batista cheysel et S. Iachem Salisch da Schlarigna, Nuott peyder Man da Pontra-

schina, Ian Maletta et Ian Gironi Pol da S. Muretzy: Bastiaun Schimunet et Bastiaun thoni d'Albanas da Saluaplauna Ais craschieu üna diferentzchia intraunter tuott la vsinaunchia da Seylg sc. Feytz d'üna Wartt planschaduors: Et Baselgia et Maria da lotra Wartt raschpondaduors: fatschiand par els dfeytz Batista Melcher Cuuich cun agiüdaunts: Ian dumeni, Giori Cuck Ian pueh cun oters plüs: par quels da Seylg fattschant luci pitschen Mur et Gudeng pol Cuuichs cun oters vsins & Foartt Castelmur, Iachem zoya: Ian Mur Iachem zuuan et oters. Quels surscrits dfeytz cun lur Agiüdaunt Thönnett lichin da beuer dalg dretth stryth et lur Amusadur Nuott Thönnett lichin dalg dretth concedieu. Es haun almento chia quels da Seylg insemmel cun quels da Maria hegian adrizo sü tscheyrt artichels da noeft et eyr fatt ün Aestym cunter els: Uscheya chia qui dauaunt ans dischsett hegien cumpro scheyrtt bayns sura lur Buuel d'feitz da els proprys Actuors Vscheia saimper cun tutt lur muuel, nuorses, bouffs, uachies et oter muuel hegien giudieu sainza cuntradictiun, in moed et fuorma suuainter chia l's artichels et Aestim decleran alhur bain plaschair. Mu huossa hegien zuontt daschiazza las nuorsas cura dals bains surscrits cumpros, Vscheia ch'els Actuors huossa aque chi lur propri ais nun paun giudayr, mu ch'els stouuen lg Buuel rasaluo tenor da lur instrumaints et scrittüras lampider nuorsas, bouffs uachias et oter muuel, et da prümauaira wartt stouuen els yr utru a paschculer lur muuel quel buuel tuchiayua et tanschayua infina l's cufins dals dit proos cumpros. Vscheya crayen els mediant lg Dretth chia els da Seilg et Maria dayen quel artichel, par quaista chiauscha Adrizo sü, annuler et chiaser, chia els possen giudair dit paschck surscrit cun nuorsas, uachias boufs allur bain plaschair, da cho ch'els da uigliamaint haun giudieu et possidieu. Ad aquels ho Raschpondieu l's da Seylg et Maria cun lur amussadur me Ian pol Nuder ch'els hegian articlo, ma cun cusaylg, agiütt et uoluntet dals dfeytz, et sch'els nun sun cuntaynts da quel Artichel schi sun els cuntaints ch'els Actuors possen fer paschculer cun nuorsas bouffs in moed et fuorma scho qui dauuaunt, cun uacchias brichia: perch' els nun hegien me hagueu dretts da paschculer ni saye eyr me tres els dfeitz paschculo (oter cho da duos u trais ans inno s'hegien els prasümos da lur propria uoluntett et nun par raschun da dretth) da chiatscher uachias allo in dit loe: Vscheya crayen els chia nun possen cun üna giüsta sentinzchia paschculer dit loe cun uachias et chia l's cufins da lur buuels nun passen sü quellas paraytts propinquas et da quellas paraytts u sas in sü infina als pros cumpros saye sto et saye comün dalla vsinaunchia. Et scha quels d Feytzt s'almaynten, schi sun els cuntaints tuott paschk et alps da metter in ün et insemel et alhura tuott inguelmaing giudayr nun partieu. Hauiant uscheya alla lungia tuot inclitt examinio pardüttas lytt scritturas, ditts, cunterditts, vays l's lous dalla diferenzchia et tuott bain cuschidro: lg num d'christ clamo in agiütt dalg quel tuott iüsts iudicis proceden, hauiant hagueu cusallg Ais sentinzchio Prümeramaing chia tuottas sentynzchias aqui dauuaunt trattas: eyr tuottas scritturas et instrumaints reystan in crafft et ualur. Secunderamaing ais als da Seylg u Maria reschpondaduors do letta:

ch'els possen quater hommens oura dals d feytz scheyrner: Et quel quater hommens innua ch'els uoschen iürer a Dieu et alla Sainchia trinited, cha l's cufins da lur buuels sayen da chko ch'els plaunt haun, numnedamaing infina als tyerms dals proos sura l'g munth cumproo, sch'els faun bene quidem. Nun brichia ais eyr do quella medema letta chia quels d feytz possen scheyrner quater hommens da seylg u Maria, l's quels eyr lg medem groo s'affeyrmen et affermer possen chia l's cufins dals Buuels d feytz sayen infina als craps tenir da lur raschposta. Et scha ni l'üna ni lotra parth nun vorschia a que fer, alhura s'arsalua l'g dretth. Quela sentinzchia tratta l's Reschpondaduors haun scharnieu: Ian Dumeni, Giöri Cuck, Dreolla et Luci da Waiüglia ls quels quatter hommens suuainter sentinzchia tratta haun uulieu s'affarmer, impersche tres aroeff dalg dretth sun els stos intarlaschos da els raschpondaduors. Vscheya ais sto iudichio: Chia l's cufins dalg Buuel d feitz saye infina als tyerms dals proos surscritts, et da quels proos ingiu saye da quels dfeytz par lur Buuel, lg quel els paun giudair et possidair schko d'wygliamaynt haun giudieu et posidieu saiza cuntradictiun. Par l'g teyrtz chia quel Artichel da noef adrizo sü saye chiass et uaun. Et chia l's d feitz, da Seylg et eyr quels da Maria possen chiatscher a paschculer las nuorsas aint in quel lous scumandos infina ad oich dis dalg mays d giüng scko eyr par l'g tump passo haun paschculo et da londer inauous possen paschculer in moed et fuorma schko aqui dauuaunt paschculo haun. Par l'g quartt chia quels d feitz possen paschculer aint in quel lous dalla wartt schneystra ad ir aint in la Wal d feitz cun lur uacchias, immünchia heymna duos diss, numnedamaing l'g Vndeschdi et la samda et brichia plü.

Duanto in Seylg in chesa Ian Martin Morel preschaynts l'g Mastrel et dretth.

Eau Ian pol da Samedà Aweyrtt Nuder he scritt et suotscritt.

VI.

Partizun da las Alps dalg plaun.

1610 adi 12. Vchiuuer, in Seilg, Jann Martin Morel, Alischander Süia, sco cuuichs dalg plaun, et cun els insemmel, in chiesa da Ml Foart a Castelmur araspos, l's huommens tscharnieus, Ml christel zaff, Ml Foart surscript, Ml Martin Morel, Ml Lücj Mur, Ml Jann Tornin, Ml Peider biuet, Ml Jann pol, Ml jachiem biuet, Durich Rigot, Gio: Anthoni Fachin, Siluester, et Andrea Tortack. l's quels haun tenir d'santinzchies tratt soart, sün las trais Alps, cioe Feitz, prasüra dsura et prasüra noua d'suot, chia sur dittes trais alps uignia tratt soart cun l's da Baselgia, l'g chiantum da Maria soarta alhura l'alp da la Mutta, suainter chia uegnen as cufgnir. L'alp d'Feitz uegnia chiargieda cun 60 vacchias, a l'alp da la Muotta uegnia do 12 vacchias da main co a las otres duos alps, las otres duos alps chiargien vachies ad inguel inuomber: ditta partizun uain fatta per 15 Anns prossems, cun declaraunza chia imünchia 5 Anns s'uo in Arouda, et siand üna Cum-

pagnia steda 5 Anns in üna alp, chia quella müda alhura our d'aquella alp in l'otra ch'ilg tuochia, suainter l'arouda.

Auns chialanda jüng nun s'daia metter ad alp, da londer inuia scodüna alp metta ad alp a sieu beneplacit: eir auns metz Sتمبر nun daia gnir schiargio, dschiargiandt auant quella cumpagnia chi cunterfo saia crudedada a las otras cumpagnias chi vbedissen fin alg term ditt batz ün per vacchia, imünchia dy. l'g chio d'alp scouda sü d'aquella cumpagnia et peja a las otras cumpagnias chi vbedissen. Vain pero arsaluo, chia gniant mel tims auns ditt term et l's cuichs et chios d'alp tenur da las cumpagnies detten aquel huorden, chi l's uain do aint a maun. Als 24 diss d'Meig uegnia piglio sü l'g inuumber da las vacchies.

A vacchies chi vegnen misses ad alp, nun daia gnir do Tor, auns metz Fawrer, et aque imünch' Ann. Aquel Vsin chi cunterfo, saia crudo per imünchia vacchia R 1 et darchio chiatscher our d'alp. Et ditta falla oda in generel ad quella cumpagnia, chi artschaiua l'g dann.

Las chiefres dalg plaun, et da platta, pasculeschen da la vard da las alps, tenur dalg artichiel dalg Eistim, Cuichs ifenen l's pastuors cun dits packs: eir als pastuors chi nun vbedeschan l's vegnia aluo la falla, tenur dalg ditt artichiel dalg Eistim, et vegnia a las alps da quel munt.

Chia tiers l's cuichs uegnia tschernieu sur dittes quatter alps ün huom per alp, l's quels hegien plaina pusaunza da d'vrdener tuot aque chi perprain a dittes alps. L's vegnia eir do l'g sarramaint, chia fatschen chiüntscher las alps, u saia eir da fer fer l's duos braguns: et chia l'g cuost chi uo uegnia paio generelmaing da tuottes quatter alps, suainter l'g Eistim da las vacchies. L's huommens tscharnieus tiers l's cuichs suprascripts, Ml Martin Morel, Ml Jan Turnin, Ml jachiem biuet, Giouan Anthoni fachin: l's quels daien fer buna lauur, notten las lauours, et alhura tres ls sspts huommens l's uegnia fatt lur peia, per l'g dauaira. L'üsaglia chi eis in dittes quatter alps areista ferma in scodüna alp, uegnia uaisa tres l's sspts huommens depütos sur las alps: in quella alp chi amaunchia, uegnia cumpro aint in generel, quella chi ho d'auantaich saia arafatta, et da d'huossa inuia uegnia cumpro et mantgnieu in generel l'üsaglia da d'alp, et suainter la taxa dalg Eistim. Las cumpagnies dal plaun mantegnien et dafenden insemmel et in generel l's drets da tuottas quatter alps.

Per las trais alps s'acorda l'g chiantun da Maria sün l'g melg ch'el so, nun derogand inguotta, a sentenzchias trattes.

Ad quella cumpagnia chi tuochia la Muotta, s'ho l'g chiantun da Maria cufgnieu, chia quella cumpagnia areista per dits 15 Anns ferma in ditta Alp sainza otra müdeda.

Circa da las otras trais alps aquellas uaun imünchia tschinch Anns in Arouda utsupra.

A Baselgia eis tucchio da d'yr l's prüms tschinck Anns in l'alp d'Feitz, glifro chia d'haun aquels uaun tschinck oters in l'alp da la prasüra noua d'suot, et l's dauous oters tschinck Anns uaun e in l'alp da la Prasüra d'sura.

L'Alp da la Muotta ais tucchiada als no d'uard Puntht, a scumanzer a la chiargier tiers Gio. Anthoni fachin, et yr dsieua tenur dalg Eistim, et cun taunt inuomber utsupra, et ditta cumpagnia ho da ster ferma in ditta alp utsupra.

Dfinieu chi eis da chiargier l'g inuomber da l'alp da la Muotta, cumainzen alhura l's Massers dsieua tenur dalg Eistim cu l's Massers prossems uiduard puntht a chiargier suainter chia la soart ho do l'alp da la prasüra d'sura; cumplieu chi eis da chiargier aquella scumainzen alhura l's oters seguaints Massers uiduard puntht suainter chia la soart ho do a chiargier tenur dalg Eistim l'alp Noua da la prasüra dsuot. Siand la cumpagnia da la prasüra d'sura steda in ditta alp 5 Anns, müda alhura 5 oters in Feitz, et l's ültims 5 Anns cumplescha in la prasüra Noua d'suot. Steda chi eis la cumpagnia da la Prasüra Noua l's 5 Anns in aquella alp, müda alhura l's 5 oters in la Prasüra d'sura et cumplescha l's ültims 5 Anns in Feitz. Duanto utsa, preschaint l's sspts, et jachiem Curo.

VII.

La partizum dalas Alps fatta l'ann 1641 adi 16 Octobris.

Sün lg di surscitt sun gniesu insemmel quaist annumnos Signuors Vschins dals duos Chiantuns Baselgia et Maria: numnedamaing M. Daniel a Castelmur: M. Joann Antoni Facchin. Martin Zitelin tscharnieus a num dalg chiantun da Baselgia: et Poll Treig sco Cuvich da quel ann: M. Peider Poll. Durich Riguot Drea Biuet: et a num dall' Alp, u chiantun d'Platz: M. Jachiam Biuet. M. Marchiet Turtaig Jachiam Poll Farer: a num dalg chiantun u Alp giu dim vich M. Drea Turtaig M. Jann Zuan Pinchin, M. Foart a Castelmur et M. Jachiam B. Zuan sco cuvich da quel ann, quels tuots bain per una haun fatt la Partizun dalas lur quatter Alps, suveinter lur veglia üsaunza et aque prusamaing sainza frod et ingian, sün bain giudair da tuots. Haun eir fat tscherts Puoings et Artickel, suvainter els s'inclegian, et s'voeglian hauair inclets, chia quaista praschainta Partizun des gnir continuada, giudidada et salueda in tuot, et par tuot.

Per lg prüm haune hurdano chia quaista praschainta Partizun des inuiolabelmaing durer ans 16 dico seidesch scumanzand l'g ann 1642 et continuand infinna alg cumplimaint dals ans 16 sainza gnir interruotta u müdeda da d'ingün, cun speciaela arsaliaunza, chia l'Alp d'Feix daja inminch' ann gnir chiargieda cun las sias 60 vacchias, sco s'ho eir auuaunt huossa chiargio ditta Alp.

Haun eir hurdano, che hauand lg prüm sco süzura scrit do oura al l'Alp d'feix sias 60 vacchias, chia in las ottras trais Alps des gnir aratto aint inguaelmaing in tuots gros las vacchias, cun speciela et expressa declaratiun, che Bragunant las duos Alps dala Prasüra zura et d'zuot, che in tal caass eir l'Alp dala Muotta saja culpaunta da Braguner et fer fer ün Bragun da noeuff a cuost generel da tuottas quatr' Alps.

Circa lg temp cura s'des braguner aise hurdano, chia inminchia chio d'Alp dess clamer isemmel ls masers da sia Alp, suvainter la temporaunza chia Dieu trametta iniminch' ann, saja chia que dvainta avaunt, u dsieua imzüras, et s'acchiattant ls plüs dals masers in ün' Alp da vulair Braguner, chia dess gnir subith braguno, et nun bragunant eir las otras duos Alps alla plü liunga quater dys dsieua, chia quella Alp u quellas chi bragunan possan immediatamaing piglier oura la falla da 10 dico desch Curunas d'argient a quella u quellas Alps chi nun uuessan ubedir ne Braguner, et chia in tal caass da disvbedientia nun s'dessan attadler ne admetter ingiünas scüsas da d'ingiüna soart, scha bain chia pares chia füssan bunnas, cun paick et declaratiun chia inminchia Alp saja ublieda da d'iffiner seis sains et pastuors, cun tel cunditiun, chia sajan culpaunts da Braguner cura ls vain cumando.

Circa lg giudair las Hervas, chia s'des viuer sco d'vilg inno, et chia inminch Alp gioda sia paschüra ainfra seis terms sco s'acchiatta in Sententias trattas da quella vardt, et eir in l'otra Partizun. Cun cunditiun chia tuottas trais Alps sajan ubliedas da tegner la muvaglia süls huots per giudair l'Herua in taunt chia lg temp serua, sainza exceptiun ingünna, suot paina da bz 24 per iminchia giaeda chia gnis cuntrafatt, la quaela falla des gnir pigliaeda oura als Pastuors, s'arsalua scha füssan sfurzos das aratrer giu ls Bass per las maelas horas. Vain declaro chia quels da Vanchiaera sajan vblios pasculer lur Muvaglia tenur ls Aschantamaints, e surpassant els, chia tuottas quatr' Alps s'dessan ster tiers, s'agiuder chia Schantamaints vengon slvos. Haun eir hurdano chia inminchia alp et Troep d'vacchias gajan zauredas dimperse sün lg paesch, et chia nun s'poassan masder, intaunt chia vaun sün ls huots, suot paina d'üna Curunna d'argient per giaeda, sainza aremischiun.

Circa tuotta soart d'muvaglia sütta, sco Trimas, Muojas, Vdels et Vdellas ais eir do tiers chia s'poassan metter in Alp, ma chia scodün dess pajer per inminchia chio k. 40 all' Alp. Vscheja s'declera eir dals Alimaeris chia dessan pajer taunt, ma chia dessan gnir serros aint saimper, ne chia s'laschan cuorrer, ne per las Aehras, ne per lg pasch, et aque suot paina d'ün Arainsch per giaeda, tenur lg Aschantamaint, sainza aremischiun, saja chi chi s'voeglia. Et scha s'acchiates ün Alimaeri our da sieu zounni, chia quel vegna mno giu dall' Alp, et chia nun lg poassan turner sü plü, scha bain pejan la falla, et chia scudün vschin dalg plaun lg poassa pandurer, et chiatscher giu dall' Alp, et hegia metz la falla, et l'otra mezza saja dall' Alp.

Vain eir hurdano chia ingiün chi saja poassa piglier Alimaeris a chiaschoel suot paina da R. 2 per inminchia Alimaeri, et chia vegnan cunvertieus in beneficiary dall' Alp.

Aquel Artickel chia auns Chialanda Gügna nun s'daja metter ad Alp vain cuffarmo in tuot et par tuot. Guarda folio 176 in aquaist Cudasch. L'Artickel. Adi 24 d'Meyg vegna piglio sü lg innumber dellas vacchias vain cuffarmo in tuot et partuot. Guarda innavous folio 177.

L'otter Artickel chi uain dsieua, vain cuffarmo in tuot, arsaluo chia uegnan aluos uia quels quater huomens sur las Alps, ma chia ls chios dalp sajan culpaunts da fer et exequir in tuot et per tuot sco declera et cuntain lg Artickel folio 177.

Quell Artickel, l'üsaglia chi ais in dittas 4 Alps aresta ferma in scodünna Alp vain cuffarmo, solum vain argiüt chia vegna vaisa dals chios dalp. Guarda folio 178 siand ls sur Alp piglios giu.

Circa las hiertas ais argiüt tiers alg Artickel, chia als 24 d'Meyg ls chios d'Alp vegnan isemmel ad arater giu las Alps. Chia inminchün chi hierta qualchosa, cioe lg plaun ainfra lg Temp chi düra ls Aschantamaints chel des tres aque aestam chel ho arto culg sieu et alpagier innua ch'el ho sieu aestim et brickia utro. Que s'des eir incler scha ün qualchün cumpras proeui chi haves aestim utro, u eir sch'el hauess fitteda, chia que aestim gaja tuot isemmel culg sieu.

Sun eir partiddas giu circa lg chiargier ad Alp las quater Cumpagnias: L'una ais tuot lg Chiantun da Baselgia: l'otra scumainza tiers la chiesa qnd. M. Bastiaun Zuan et uo infin alla chiaesa qnd. M. Jann Martin, a co glifra ella. La terza cumainza tiers la chiaesa Harteuals qnd. Jann Dumen- gin et glifra in la chiaesa da Martin Orbella. La quarta cumainza in la chiaesa steda da qnd. Sylvester Turtaig et uo fin giu dim lg vich.

Ais hurdano chia ingiün chi saja in quellas quatr' Alps des der Thor ad ingiunna vacchia auns Chialanda Favrer, suot paina da R. 1 per giaeda, et chi chi so chia vegna praeterieu quaist huorden saja taunt da quel chi imprasta lg Thor co eir aquel chi lg dumanda, et chia la falla vegna pigliaed' oura et tgnidda aint dalg chiaschoel in Alp cura chia dschiaerphia, et chia lg chio d'Alp saja ublio a pigler oura la falla et chel hegia la terza part.

1. Ais hurdano, chia quella cumpagnia chi tuocchia l'Alp d'Feix ls 4 prüms ans, daja ls otters quater dsieua ir et alpagier in la Prasüra d'zura. Alhura quater otr' ans dsieua daja alpagier giu la Muotta, et ls oters quatr' ans glifrer in la Prasüra dzuot. Quaista prüma part et Partizun sco sü zura eis declaro ais tucchieda alla Cumpagnia et chiantun da Baselgia cun la soart tratta.

2. Ais hurdano chia la secuonda cumpagnia scumainza sün la Prasüra d'zura 4 ans: alhura Alpagia in Feix 4 ans dsieua: alhura gaia giu la Prasüra dzuot: alhura glifra la rouda ls oters 4 ans giu la Muotta.

Quaista secuonda part ais tucchieda cun la soart alla Cumpagnia et chiantun d'platz.

3. La terza des scumanzer sia roudda giu la Prasüra d'zuot ans 4: alhura anns quater dsieua giu la muotta: dsieua anns quatter sü la Prasüra zura: dess glifrer la roudda ls quater davous ans in Feix.

Quaista part ais tucchia, sco vain declaro, alla cumpagnia et chiantun giu d'jm lg vich cun la soart.

4. La quarta scumainza sia rouda giu la Muotta ans quatter: alhura dsieua giu la Prasüra Zuot 4 anns et quatter dsieua in Feix: et ils otters quatr' ans glifrer sü la Prasüra Zura.

Quaista ais tucchiada alla Cumpagnia et chiantun our a soum incunter Baselgia.

Ais hurdano chia lg Prüm vegna chiargio l'Alp d'Feix cun las 60 vacchias et manchiand vacchias ad aquella cumpagnia chi tuocchia da d'ir in feix, chella nun haues da cumplir lg innumber dallas 60 vacchias, Havand üna u duos dalas ottras Alps plü vacchias cho sia ratta part, dajane der aint in l'Alp d'feix et cumplir quel innumber cun la büscha, per savair a chi chi tuocchia da der aint.

Mu haviand tuottas trais Alps Muvaglia ad inguael, schi dajan e traunter ellas trais trer la büscha et der lur ratta part, per cumplir lg innumber sco sü zura.

Cun cunditium chia inminchia Masser in scodünna Cumpagnia saja culpaunt da ster in büscha una voutta, et lg haviand tucchio da d'ir oura cun una vacchia u cun plüs u eir cun sieu troep inter, nun saja plü culpaunt da ster in büscha, infinna chia la rouda ais idda intuorn traunter tuots, et cumplida. Dalg arest las ottras trais Alps dessan partir gualiffmaing sainza dispüter.

Circa lg chiaschaer s'lascha la liberted ad iminchia cumpagnia et chiantun chia s'accordan traunter pèr, in lg meildar moed chia ad els pera sün lg plü bain giudair et commoditet, cun amur et chiaritaed: saja chia our d'una cumpagnia fatschan duos u trais chiaschaedas, pero chia üngiun nun poassa sarer oura un masser saja pitschen u grand sainza granda et legitima causa.

Circa la chiudera dalas alps aise hurdano cuschidrant la grand bsoeng, chia M. Gio. Anthoni Fachin (sco quel chi ho la chiudera viglia in chiaesa) des giand a Clauenna tratter cun ün qualche chidürel a num dallas Alps, cun plaina autoritet da camier quella viglia cun una nouua, chi saja bunna suffitzchiainta, aunz ün po plü granda, co nun ais la viglia, eir circa lg pretsch tegner plü bass chi saja agli pussibel, tscherchiant saimper lg bain et ütèl dalas Alps.

Ais eir hurdano chia Lündesdi proassem s'gaia giu l'Alp dalla Muotta cun ün huom per Alp et s'fatscha püter meilg chi s'puo per sgürer l'Alp: alhura sün la primauaira s'detta tuott aque huordan chia uain ad esser bsöeng per mantegner l'Alp.

Ais eir hurdano chia s'fatscha fer Boeggias et Puonner in aquellas Alps chi haun bsoeng et a que a cuost generel da tuottas las Alps, ma chia dit vaschels sco eir otters restan a beneficj et seruezzan dall' Alp.

Gudeng Tack he scrit, et sto preschaint.

